
ВИЛОЯТИМИЗДА ХИТОЙ КОМПАНИЯСИ ҚУЁШ ПАНЕЛЛАРИ ИШЛАБ ЧИҚАРИШ ЗАВОДИНИ БАРПО ЭТИШНИ РЕЖАЛАШТИРМОҚДА

Вилоят ҳокими Хайрулло Бозоров Фарғона вилоятида йирик қуёш панеллари ишлаб чиқариш заводини барпо этишни режалаштираётган Хитойнинг “Jiangxi LDK Solar Hi-Tech Co., Ltd” компанияси делегациясини қабул қилди.

Компаниянинг халқаро алоқалар бўйича бош менежери Жианёнг Ке билан бўлган мулоқот чоғида Хитой компанияси томонидан вилоят ҳудудида лойиҳа қиймати 75 миллион долларга тенг бўлган қуёш панеллари ишлаб чиқариш заводини барпо этиш лойиҳаси муҳокама қилинди.

Учрашувда қуёш панелларини тадқиқ қилиш ва яратиш, ишлаб чиқариш ва сотиш билан шуғулланувчи корхона делегацияси аъзолари Фарғонада ҳам йирик завод қуриш ва истиқболда уни янада кенгайтириш мақсадида эканлигини маълум қилдилар. Сухбат давомида алоҳида қайд этилганидек, ушбу заводни қуришда барча керакли жиҳозлар Хитойдан олиб келинади.

Вилоят ҳокими дунёда анъанавий энергия ресурслари чекланган бугунги шароитда ва келажакда ушбу лойиҳанинг Фарғона вилояти учун муҳим ўрин тутишини таъкидлаб, бу каби барча лойиҳаларга кўмак берилиши ва қўллаб-қувватланишини билдирди.

Шунингдек, хитойлик инвесторларга “Қўқон” эркин иқтисодий зонаси ҳақида маълумот берилиб, ушбу ҳудуд янги лойиҳаларни амалга ошириш учун қулайлиги ва барча шароитлар яратилганлиги айтиб ўтилди.

Учрашувда вилоят ҳокимининг ўринбосари Иқболжон Эргашев ҳам иштирок этди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-02-23 10:47:36